

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), članova 3. stav (1) tačka a) i (4), 4. stav (1) i 7. stav (3) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe ("Službene novine Zeničko-dobojskog kantona", broj: 20/20 i 14/21), na prijedlog Ureda premijera, Vlada Zeničko-dobojskog kantona, na 29. sjednici, održanoj dana 26.07.2023. godine, d o n o s i

RJEŠENJE

o imenovanju voditelja i članova Kantonalnog savjetodavnog tima (KST) Zeničko-dobojskog kantona za repatrijaciju, reintegraciju, rehabilitaciju i resocijalizaciju državljana Bosne i Hercegovine povratnika iz zona sukoba Sirije i Iraka

Član 1.

(Sastav Kantonalnog savjetodavnog tima)

Imenuju se voditelj i članovi Kantonalnog savjetodavnog tima (KST) Zeničko-dobojskog kantona za repatrijaciju, reintegraciju, rehabilitaciju i resocijalizaciju državljana Bosne i Hercegovine povratnika iz zona sukoba Sirije i Iraka (u daljem tekstu: Kantonalni savjetodavni tim) u sastavu:

- Benjamin Sinanović, ministar Ministarstva unutrašnjih poslova, voditelj Kantonalnog savjetodavnog tima,
- Samir Ahmić, predstavnik Uprave policije Ministarstva unutrašnjih poslova, član Kantonalnog savjetodavnog tima,
- Vildana Kondić, predstavnik Ministarstva za rad, socijalnu politiku i izbjeglice, član Kantonalnog savjetodavnog tima,
- Ankica Radić, predstavnik Ministarstva zdravstva, član Kantonalnog savjetodavnog tima,
- Bernadeta Galijašević, predstavnik Ministarstva za obrazovanje, nauku, kulturu i sport, član Kantonalnog savjetodavnog tima,
- Adnan Hasičić, predstavnik JU Služba za zapošljavanje Zeničko-dobojskog kantona, član Kantonalnog savjetodavnog tima i
- Izet ef. Čamdžić, predstavnik Muftijstva Zeničkog Islamske zajednice u BiH, član Kantonalnog savjetodavnog tima.

Administrativno-tehničke poslove za potrebe Kantonalnog savjetodavnog tima obavljat će Venira Alihodžić, namještenik u Uredu premijera Zeničko-dobojskog kantona.

Član 2.

(Nadležnost Kantonalnog savjetodavnog tima)

Kantonalni savjetodavni tim iz člana 1. ovog rješenja je nadležan za ostvarivanje svih oblika potrebne saradnje sa ostalim relevantnim subjektima u cilju realizacije aktivnosti utvrđenih Protokolom za postupanje institucija u Federaciji Bosne i Hercegovine u procesu rehabilitacije i reintegracije povratnika iz zone sukoba i njihovih porodica, sa Aneksima, koje je usvojila Vlada Federacije Bosne i Hercegovine i Plana repatrijacije i Programa reintegracije, rehabilitacije i resocijalizacije državljana Bosne i Hercegovine povratnika iz zona sukoba Sirije i Iraka koje je usvojilo Vijeće ministara Bosne i Hercegovine, a kroz djelovanje Interresorne radne grupe Vlade Federacije Bosne i Hercegovine (u daljem tekstu: IRRG) za izradu i provođenje Akcionog plana za

prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma („Službene novine Federacije BiH“, br. 16/20, 62/20, 57/22, 93/22 i 26/23), čiji su zadaci:

- Izrada i provođenje Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma,
- Predlaganje i provođenje mjera iz Akcionog plana – koordiniranje i praćenje implementacije programa prevencije ekstremnog nasilja,
- Koordiniranje aktivnosti u vezi sa prihvatom povratnika sa stranih ratišta uz koordinaciju sa nižim nivoima vlasti, te praćenje provođenja mjera psihološko-sociološke rehabilitacije i inkluzije,
- Saradnja sa istim tijelima na nivou entiteta, Brčko distrikta Bosne i Hercegovine, kantona i lokalnih zajednica, saradnja sa Ministarstvom sigurnosti Bosne i Hercegovine, međunarodnim i drugim nadležnim institucijama,
- Učešće u procesima donošenja strategije na državnom nivou koja se odnosi na prevenciju i borbu protiv terorizma.

Član 3.

(Način rada Kantonalnog savjetodavnog tima)

Kantonalni savjetodavni tim iz člana 1. ovog rješenja je ovlašten da način rada, odlučivanja i druga pitanja od značaja za rad i organizaciju Kantonalnog savjetodavnog tima uredi poslovnikom o svome radu, a sa ciljem ostvarivanja nadležnosti za sve oblike potrebne saradnje sa ostalim relevantnim subjektima iz člana 2. ovog Rješenja.

Član 4.

(Mandat Kantonalnog savjetodavnog tima)

Mandat voditelja i članova Kantonalnog savjetodavnog tima iz člana 1. ovog rješenja traje do izvršenja povjerenih nadležnosti, a najduže četiri godine, računajući od dana donošenja ovog rješenja.

Član 5.

(Izveštavanje)

Kantonalni savjetodavni tim iz člana 1. ovog rješenja je dužan voditi evidencije i sačinjavati izvještaje o svome radu na način utvrđen Protokolom za postupanje institucija u Federaciji Bosne i Hercegovine u procesu rehabilitacije i reintegracije povratnika iz zone sukoba i njihovih porodica, sa Aneksima, koje je usvojila Vlada Federacije Bosne i Hercegovine i Plana repatrijacije i Programa reintegracije, rehabilitacije i resocijalizacije državljana Bosne i Hercegovine povratnika iz zona sukoba Sirije i Iraka koje je usvojilo Vijeće ministara Bosne i Hercegovine, te metodologijom djelovanja Interresorne radne grupe Vlade Federacije Bosne i Hercegovine, a u slučaju procijenjene potrebe evidencije i izvještaji se mogu dostavljati i Vladi Zeničko-dobojskog kantona radi donošenja akata iz okvira ustavnih i zakonskih nadležnosti Vlade Zeničko-dobojskog kantona.

Član 6.

(Naknada za rad Kantonalnog savjetodavnog tima)

Voditelj i članovi Kantonalnog savjetodavnog tima iz člana 1. ovog rješenja ne ostvaruju pravo na novčanu nadknadu.

Član 7.
(Stupanje na snagu)

Ovo rješenja stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-30-11973/23

Datum, 26.07.2023. godine

Z e n i c a

DOSTAVLJENO:

1x Ured premijera,

1x Imenovanim, putem Ureda,

1x „Službene novine Zeničko-dobojskog kantona“,

1x a/a.